



## 2008

35. A la Gentîl Siora  
**Edda Cossar**

Va chist an il premi San Roc. Ricognossiment par via che di agnorums a si dedica cun fervôr a pro di chista comunitât e li' sôs tradizions. A jê, il grazie plui sintût tant plui, che intint di ritirâsi par dedicâsi intieramenti ai sioi di cjasa. Un agrât ancja a so marit, il dotôr Giovanni che a gi 'l è stadi e continua a stâgi dongja cun amôr. Cun chista poesia la ringrazi di cûr ancja jo.

Voli particolarmentri vîf  
e volontât di fiâr.  
Una perla di femina  
che a ten sù cun cognizion,  
tre cjantons dal fogolâr.  
Dut al sgurla intor di jê  
che a volta, messeda disfa  
e fâs sù cun che di otignî  
se che plui gi sta a cûr.  
Grazie, siora Edda,  
da part di chist borc  
e di duta la zitât.  
La stimi ancja jo  
e la miri cun afiet.

Gurizia, 16 novembar dal 2008

Anna Bombig